

EBAZPENA,

Herri Arduralaritzaren Euskal Erakundeko zuzendariarena, zeinaren bidez merezimenduak alegatzeko aurreikusitako epea luzatzen baita Euskal Autonomia Erkidegoko Administrazio Lan Kontratudunen Kolektiboentzako Hitzarmenean lan-kontratudunentzat gordetako Ibaiondo heziketa-zentroko hezitzaileen lanpostuan enplegua finkatzeko salbuespeneko prozesuan.

[Gobernantza Publiko eta Autogobernuko sailburuaren 2022ko irailaren 8ko Agindua](#)ren bidez, Euskal Autonomia Erkidegoko Administrazio Lan Kontratudunen Kolektiboentzako Hitzarmenean lan-kontratudunentzat gordetako Ibaiondo heziketa-zentroko hezitzaileen lanpostuan enplegua finkatzeko salbuespeneko prozesurako deialdia egin zen.

2023ko martxoaren 8ko IVAPeko zuzendariaren ebazpen bidez zehaztu zen, Euskal Autonomia Erkidegoko Administrazio Lan Kontratudunen Kolektiboentzako Hitzarmenean lan-kontratudunentzat gordetako Ibaiondo heziketa-zentroko hezitzaileen lanpostuan enplegua finkatzeko salbuespeneko prozesuan, merezimenduak alegatzeko epea **2023ko irailaren 14an hasiko zela eta 2023ko irailaren 27an amaituko zela**.

Epe hori ireki ondoren, gorabehera tekniko bat gertatu da, eta, horren ondorioz, ezinezkoa izan da merezimenduak alegatzeko aplikazioaren ohiko funtzionamendua. Behin konponduta, beharrezkoa da amaitu gabeko epeak luzatzea, 39/2015 Legea, Administrazio Publikoen Administrazio Prozedura Erkidearena 32. 4 artikuluan ezarritakoaren arabera.

Hori dela eta, EBATZI DUT:

Lehena.– Euskal Autonomia Erkidegoko Administrazio Lan Kontratudunen Kolektiboentzako Hitzarmenean lan-kontratudunentzat gordetako Ibaiondo heziketa-zentroko hezitzaileen lanpostuan enplegua finkatzeko salbuespeneko prozesuan, merezimenduak alegatzeko epea luzatzea. Beraz, epe hau, **2023ko irailaren 14an hasi zena, 2023ko urriaren 10ean amaituko da**.

Bigarrena.– Hautaketa-prozesu honen oinarri jarraituz, epe horretan, hautaketa-prozesu honetan parte hartzen dutenek, hala badagokie, betekizunei eta merezimenduei buruzko **agiri hauek aurkeztu beharko dituzte**:



BETEKIZUNAK ETA MEREZIMENDUAK	ESKATZEN DIREN AGIRIAK
Atzerrian lortutako titulua eta homologazioaren egiaztageria, bai prozesuan parte hartzeko betekizun legez alegatu bada, bai merezimendu gisa alegatu bada.	Tituluaren eta homologazioa egiaztageriaren kopia arruntak.
Hizkuntza-eskola ofizialek emandakoak ez diren Hizkuntzetako titulu eta ziurtagiriak	Tituluaren edo ziurtagiriaren kopia arrunta.
Euskal Autonomia Erkidegoko Administrazio Orokorretik eta haren organismo autonomoetatik kanpo administrazio publikoetan emandako zerbitzuak .	Emandako zerbitzuen egiaztageriaren kopia arrunta.

Hirugarrena.– Era berean, hautaketa-prozesu honen oinarri jarraituz, epe horretan, hautaketa-prozesuan parte hartzen dutenek, **lanpostuen honako betekizun espezifikoak betetzen dituztela alegatu beharko dute:**

- B gidabaimena.
- Ziurtagiri negatiboa, Haurrak eta Nerabeak Indarkeriatik Begiratzeko Babes Integralaren ekainaren 4ko 8/2021 Lege Organikoaren 57.1 artikularen arabera.

Laugarrena.– Bigarren eta hirugarren artikuluetan ezarritakoa gorabehera, **merezimenduak alegatzeko epearen hasieran, hautaketa-prozesuaren web gunean jasota** egongo dira, izangai bakoitzeko, **administrazio honek erakunde egokietatik jaso dituen eta, beraz, egiaztatutzat jotzen diren merezimenduak.**

Era berean, **merezimenduak alegatzeko epearen hasieran, hautaketa-prozesuaren web gunean jasota** egongo dira, izangai bakoitzeko, **administrazio honek erakunde egokietatik jaso dituen hautaketa-prozesuan parte hartzeko betekizunak eta zenbait lanpostuk dauzkaten betekizun espezifikoak. Horiek, egiaztatutzat emango dira.**

Izangaiek dagokion laukitxoa markatu beharko dute adierazteko, hautaketa-prozesurako egiaztatutzat eman diren **merezimenduen eta betekizunen artean, zeintzuk alegatzen dituzten** parte hartzen duten prozesu bakoitzean.

Bostgarrena.– **Merezimenduak alegatzeko epean alegatu eta egiaztatu behar den eta, merezimenduak alegatzeko epearen hasieran, hautaketa-prozesuaren web gunean jasota ez dagoen edozein betekizun edo merezimendu, administrazio honek jaso eta egiaztatu bezala, izangaiek alegatu eta egiaztatu beharko du,** dagokion dokumentazioa aurkeztuta.

Seigarrena.– Hautaketa-prozesu honen oinarri orokorren 8.3 atalak adierazten duenez, inolako ziurtagiri digitala edukita eskabidea egin zuten izangaiek lortu zuten **aldi baterako erabiltzailea eskabidea kontsultatzeko baino ezin izango da erabili,** eta gainerako izapideetarako beharrezkoa izango da identifikazio elektronikorako onartutako bitartekoetako bat izatea.

Hori dela eta, **identifikazio elektronikorako bitartekorik ez duten pertsona guztiei** gogorarazten zaie **BakQ txartela emateko gaitutako zentroetara jo dezaketela baldin eta** hautaketa-prozesuan parte hartzeko eskabidean aurkeztean eman zitzaien **aldi baterako erabiltzailea baino ez badute. Izan ere, aldi baterako erabiltzaile hori erabilia, identifikazio elektronikorako bitarteko bat lortu ahal izango dute** prozesuaren jarraipena egiteko atal guztietan, merezimenduak alegatzeko eta egiaztatzeko barne. **Horrela ez bada egiten, merezimenduak alegatu eta egiaztatu beharko dira modu presentzian; eta, IVAPeko laguntza tekniko behar bada, alde aurretik zita eskatuta.**

Zazpigarrena.– Hautaketa-prozesuaren web gunearen “Hautaketa prozesuen informazio orokorra”ren barruan, **“MEREZIMENDUAK NOLA ALEGATU ETA EGIAZTATU”** atala eskaintzea. Atal horretan, irudien bidez eta zehaztasun osoz, prozesuaren web gunean alegatzeko eta egiaztatzeko prozesua azaltzen da.

Zortzigarrena.– **2024ko otsailaren 6an hautaketa-prozesuko behin-behineko kalifikazioen zerrendak argitaratuko direla** ezartzea, hautaketa-prozesuaren webgunean.

Ebazpen honen aurka gora jotzeko errekurtoa jarri ahal izango da Herri Arduralaritzaren Euskal Erakundeko zuzendariaren ebazpen honen aurka, ez baitu agortzen administrazio-bidea; betiere, Administrazio Publikoaren Administrazio Prozedura Erkidearen urriaren 1eko 39/2015 Legearen 121. artikulua eta hurrengo arabera. Errekurtsoa jartzeko epea hilabetekoa izango da, ebazpen hau argitaratu eta hurrengo egunetik aurrera. Errekurtsoa, bestalde, ebazpen hau eman duen organoari jar dakiok, edo Gobernantza Publiko eta Autogobernuko sailburuari. Gora jotzeko errekurtoa aurkezten denetik hiru hilabete pasatzen badira ebazpen espresurik eman gabe, ezetsizat hartu ahal izango da, eta administrazioarekiko auzien bidera jo ahal izango da.

Maite Barruetabeña Zenekorta
IVAPeko zuzendaria

VITORIA-GASTEIZ, sinadura elektronikoaren datan